

社會組  
臺灣客家語 詩佳作



老屋、阿爸个腳踏車、大番薯、結親家、揚尾仔（北四縣腔）

【老屋】

老屋門前大陂塘  
大雨來到水漣漣  
蒔田掌草落水田  
蓄吾歸家總水源  
老屋後背果子園  
芭樂樹下尋童年  
高速公路劃一脣  
老屋拆忒目汁連

【阿爸的腳踏車】

阿爸的雜貨店 開佇莊下  
店口不時放一臺腳踏車  
烏仙烏仙个腳踏車載等一家人个希望  
無論是撥風落雨 抑係日頭火爍爍  
一步一步个腳踏聲 聲聲堅定  
有時 載等一包一包个赤砂  
有時 載等一袋一袋个粗鹽  
有時 載等一桶一桶个豆油  
有時 載等一個一個細人仔  
所有个希望總係寄託佇四四角角个貨載仔

【大番薯】

熱天天時火烈烈  
大家熱到嘴擘擘  
雷公拚勢打鑼鼓  
嚇著大牛牯  
撞著大憨牯

打孔翹  
踢著大石牯  
跌落田兜肚  
番薯田 燥涸涸  
大番薯 走哪去  
佢講驚人食落肚  
遽遽鑽入泥兜肚

【結親家】

阿姊阿姊愛出嫁  
新娘衫 著靚靚  
新娘車 結紅花  
八音鑼鼓鬧采采  
新郎新娘結親家  
明年降个細娃娃  
婿郎歡喜做阿爸  
阿公阿婆笑哈哈

## 【揚尾仔】

揚尾仔 尾長長  
問你敢有一尺長  
大目珠 看遠遠  
飛上飛下滿山越  
熱天到 尋水塘  
問你敢愛討舖娘  
日頭公 來做媒  
水沅點水子孫傳

### 創 作 理 念

第一首，創作者以生活的經驗，寫出對老屋的思念。

第二首，寫出全家希望都寄託在阿爸的腳踏車。

第三首至第五首，用最自然的素材，結合創作者的赤子之心，創作出饒富童趣的作品。

### 鄒瑞梅

桃園市龍山國小鄉土語言教師

